



Tužilaštvo/Tužiteljstvo Brčko distrikta Bosne i Hercegovine
Тужилаштво Брчко дистрикта Босне и Херцеговине
Prosecutor's Office of the Brcko District of Bosnia and Herzegovina

<http://jt-brckodistriktbih.pravosudje.ba>



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

SAOPĆENJE ZA JAVNOST

Ratni zločini/Potvrđena optužnica za ratne zločine u predratnoj općini Brčko Zapovjednik u HVO-u optužen da nije spriječio ubistvo civila srpske nacionalnosti

Tužilaštvo Brčko distrikta BiH podiglo je optužnicu protiv Nike Brnjića (54) zbog osnovane sumnje da je 1992. godine u Bukviku kod Brčkog propustio spriječiti ubistvo civila srpske nacionalnosti i pokrenuti disciplinski ili krivični postupak protiv učinioca.

Optuženi se tereti da je u septembru 1992.godine u toku vojne akcije, kao zapovjednik čete u 108. brigadi HVO-a za Bosansku Posavinu, propustio preduzeti radnje prema potčinjenom kako bi spriječio ubistvo nad M.V. izvršeno u blizini željezničke stanice *Veliki Bukvik*. Pored toga, stavljeno mu je na teret da, nakon što je posmatrao ubistvo iz neposredne udaljenosti, uz znanje i svijest da je njegov potčinjeni učinio krivično djelo, propustio preduzeti mjere da učinilac bude kažnjen.

S tim u vezi, Brnjić je optužen da je kršeći pravila međunarodnog prava za vrijeme oružanog sukoba počinio krivično djelo Ratni zločin protiv civilnog stanovništva iz člana 142 Krivičnog zakona SFRJ. Postupajući u fazi prethodnog saslušanja Osnovni sud Brčko distrikta BiH potvrdio je ovu optužnicu potvrđujući tako osnovanu sumnju da je optuženi počinio krivično djelo za koje se tereti.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.

Više o optužnici na internet stranici Tužilaštva www.jt-brckodistriktbih.pravosudje.ba (sekcija „optužnice“ podsekcija „odsjek za ratne zločine“- optužnica broj: 3053).

TUŽILAC

SADIK A FATIĆ